



# Nakomai, Iriirai Waaki ni Kakukurei

*Ibukin bootakin te utu n te tairiki ke kamatebwaian booki aika tabu—  
ke tii ibukin te kaungaunga!*



Beberuare 26–Maati 3

## Tembora aika Beeba

IBUKIN 2 NIBWAAI 11–19

E reirei Itaia bwa taian tembora bon taabo aika onoti ake ti reiakina iai taekan Tamara are i Karawa ao Iesu Kristo (taraa 2 Nibwaai 12:3). Karaa oin am tembora! Otea am mwakoro ni beeba inanon teniua mwakorona. Korea teuana ni karokoa inanon te turaiangkoro. Taakina te beeba ao korea tamneim mai nuuka.

### Ibukiia ataei aika uarereke riki:

Taraa tamnein te tembora n ikotaki. Taekinna bwa ko kanga n namakina ana tangira te Atua n ana auti n ai aron are bon am auti.

Maati 4–10

## Kakoaua n te Anene

IBUKIN 2 NIBWAAI 20–25

E tibwa ana kakoaua Itaia iroun Iesu Kristo. E taku bwa Iesu bon korakorana ao ana anene (taraa 2 Nibwaai 22:2). Tera kunan Iesu ae ko tatangiria? Maroroakinna bwa bukin tera ko tatangiria. I mwiina ikotaki n anenei!

### Ibukiia ataei aika a uarereke riki:

Anenea “Tell Me the Stories of Jesus” (*Aia Boki n Anene Ataei*, 57) ni kabane. Angan am ataei bwa e na taua tamnein Iesu ni katoa te tai are e taekinaki iai arana n te anene.



Maati 11–17

## Teutana i mwiin Teutana n Tain te karaki

IBUKIN 2 NIBWAAI 26–30

E buokiira Tamara are i Karawa n reiakina “teutana i mwin teutana,” ke teutana n te tai teuana ma teuana (2 Nibwaai 28:30). Ikotaki, tibwai karaki man koroboki aika a tabu ae ko tatangiria teuana te rain imwiin teuana! Ni kabane temanna i mwiin temanna a taekina teuana te tiententi man te karaki ni karokoa e moti te karaki.

### Ibukiia ataei aika uarereke riki:

Tamara are i Karawa e buokiira n ata taekan Iesu Kristo. Rairia nakon iteraniba 48 ao temanna i mwiin temanna karana teuana mwakoron te tamnei.

KAMATAA N TE TAMNEI IROUN KATY DOCKRILL



Maati 18–24

## Mwaneka n Iriira Iesu

IBUKIN 2 NIBWAAI 31–33

E reirei Nibwaai bwa ti iriira Iesu Kristo ngkana iai ara animaki Irouna, rairi nanora, ao ni bwabetito, ni karekea ana bwaintituaraoi te Tamnei ae Rairoi, ao a teimatoa ni ua te toki (taraa 2 Nibwaai 31). Korei mwaneka nako iaon mwakoro ni beeba aika a kakaokoro, imwiina kamaenakoi iaon te timanti. Temanna te aomata e kamakiia matana ao e wareware nakon 10 ngkai ni kabane a tei iaon te beeba. Te aomata are e wareware e taekina ngkanne teuana te mwaneka n iriira Iesu. Te aomata are iaon te beeba anne e wareware i mwiina.

### Ibukiia ataei aika uarereke riki:

Ngkana iai ara animaki iroun Iesu Kristo, ti iriira te bwai are E taekinna. Kate te rain ao ririaki ni katobibi. Te aomata are i moa bon te tia kairiiri. Aomata nako a katotonga aron nakonakon te tia kairiiri. Ikaruoruo n riki bwa te tia kairiiri!



Maati 25–31

## Te Kiebu ibukin te Itita

IBUKIN TE ITITA

Ibukin Iesu Kristo, ti na manga maiu i mwiin matera (taraa Aramwa 40:22–25). Karaa te Uee Ibukin te Ititan iteraniba 17. Katuka am uee n te tabo are a kona n nooria iai am utu bwa e na buokiko n uringa te Tia Kamaiu n te wiiki aei.

### Ibukiia Ataei aika a Uarereke Riki:

Wareka taekan te Itita iaon iteraniba 46. Anganiia am ataei bwa a na kotei tamnein Iesu ngkai ko wareware.